



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia Catholica, Hoc Est Christianae Fidei, Qvam Ad
Salvtem Animarvm Aviti Avgvstae Domvs Saxonicae
Principes, Reges, & Imperatores coluerunt, Gloriosa
Confessio**

Cutsemius, Petrus

Coloniae Agrippinae, 1621

Conradvs III.

urn:nbn:de:hbz:466:1-11884

Superioribus etiam hoc adijcere libet, electo iam Lothario non omnino defuisse maleuolos, ac inuidos. Narrat enim Helmoldus in hist. Slauorum cap. 42. & cum eo Albertus Abbas Stadenſis ad an. 1126. in electione Lotharij: *Indignati autem Francigenæ virum Saxonem eleuatum in Regem, conati sunt alium suscitare Regem, Conradum videlicet, consobrinum Henrici Cæsaris. Præualuit autem pars quæ fuit cum * Ludero, abiensque Romam promotus est * Lothario.* ad apicem Imperij per manus Innocentij Pæ, quod tamen contigisse ait Albertus Anno 1133.

CONRADVS III.

LOTHARIO mortuo successit in Imperio Conradus III. de quo Otto Frising. lib. 7. cap. 22. Anno, inquit, ab Incarnatione Domini 1138. defuncto in Autumno sine filijs Imperatore Lothario conuentus generalis Principum Moguntie in proxima Pentecoste indicitur. Quidam autem ex Principibus timentes ne forte in generali curia Henricus Dux Noricorum, qui tunc præcipui & nominis, & dignitatis in regno fuit, per potentiam præualeret, circa mediam Quadragesimam consilio habito in oppido Gallie Confluentie conuentum celebrant, ibique Conradum, Imperatoris Henrici sororium, de quo supra diximus, presente Theodiuo Episcopo Cardinali, ac Sanctæ Romanæ

G **Ecclesiæ**

Ecclesie Legato, summi Pontificis, ac totius Romani populi, vrbiumque Italia assensum promittente 94. ab Augusto Regem creant. Quis mox ad Palatium Aquis veniens à prædicto Cardinale (nam Coloniensis qui id facere iure debuerat, nouiter inthronisatus pallio carebat) cooperantibus Coloniensi & Treuirensi Archiepiscopis cum cæteris Episcopis, in Regem vngitur. Idem refert Dodechinus ad an. 1138. sed audiamus quod ab Ottone Fris. ibidem mox additur: At Saxones; & Dux Henricus alijque qui electionem non interfuerant, regem non legitime, sed per surreptionem electum calumniabantur: Quibus omnibus in proxima Pentecoste generalis Curia Babenberg indicitur.

Eandem historiam idem profequitur in gestis Frider. I. Imp. lib. 1. cap. 22. Et per omnia dicit eadem Conr. Abbas Vrsp. ad an. 1139.

FRIDERICVS I.

CONRADO defuncto successit Fredericus I. dictus à barba rufa AEnobarbus, vel Barbarossa, cuius electionem grauisimus Author Otto Frising. dicti Friderici Imp. patruus lib. 2. de gestis Frid. Imp. capitulo I. quod breue est, ideoque integrum huc transcribam, enarrat.

Anno ab Vrbe condita MDCCC. ab Incarnatione verò Domini MCLII. decedente ab hac luce ver-